

晉陽鄭氏派譜序

譜者所以奠世系辨昭穆收宗族厚風俗之道也宜其大同爲修而不宜派別然蓋宗遠則族巨族巨則難合勢所使然也惟吾晉陽氏之鄭以忠莊公諱笨爲祖者無慮數千百人而散布諸郡或有系不同而冒錄之者且有源則同而派甚遠者所以不可混雜而俱收之也往在甲子吾鄭大同之論齊發遂成一譜雖曰美俗善事終未免涇渭之相混碣玉之相襲烏可曰一家之敦史也予庸是懼廼者與宗人疇錫彰錫昌錫永杓君諮諏商量斷以忠莊公會孫諱義學自爲一派而謹修一譜其視甲譜可謂精密而無混雜矣譜旣成長煥乃敢諗于諸宗曰吾文定公之道學文章忠莊公之危忠卓節可以並日月而侔

山嶽惟是後孫零辱不振千載之下緒學荒墜家風掃蔑兩世
在天之靈其肯曰予有後乎惟願諸宗修吾此譜之後益尊吾
祖彌敬吾宗有慶相賀有喪相吊無至塗人之歸而又以課忠
責孝至相勉厲承前烈而裕後業則今日派譜之修真有得於
奠世系明昭穆收宗族厚風俗之道也旣以勗諸宗且以是自
勉云爾

歲在庚辰三月下澣後孫長煥謹序

晉陽鄭氏族譜卷之全

始祖鄭藝

號栢谷以孝行節義為世推重 高麗光祿大夫尙書禮部侍郎平章事錄統合三韓壁上功臣諡英節公 配坡平尹氏 配光州金氏祖順曾祖吉

諱時陽

號松巖 高麗文宗朝文科兩館大提學柱國太師退休晉陽田園未半年拜平章事固辭不就於所居東溪松下築一亭謂人曰歲寒然後知松栢之後凋人之晚節當如此諡文翼公有文集行于世 配李氏

諱裕

號學堂 高麗肅宗朝中司馬登魁第累經政堂再拜三重大匡左侍中忠亮功臣諡文簡公 配金氏

子守均

高麗毅宗朝文科殿中內給事兼太子太傅同知密直事左上侍上將軍以清高忠節著于國諡文忠公 配李氏 配商山金氏上將軍夏周女

子仲紹

官殿中內給事太子詹事吏部尙書左僕射 配朔寧崔氏平章事天老女 配延日鄭氏

子洪旦

見下

子仲恭

官僉正

子莘傑

武科

五世

子安社

號竹坡高宗朝文科兩館大提學同知密直事 以輔幼主之功封菁川君 熙寧甲寅使於宋與金良鑑摹還國子圖諡忠務公 有文集行于世 配文化柳氏 配光州金氏思靖公若温女

六世

子需

忠烈王朝文科實文閣大提學佐理功臣封晉陽府院君 先是與金義元許靖共破女真於吉州 諡文英公 配清州韓氏上將軍填女

七世

子守珪

號學士堂忠烈王朝文科政堂學士內府令 配順興安氏 陽村權近撰公會孫女朴可與妻贈辰韓國夫人鄭氏墓誌云曾祖內府令諱守珪

八世

子椽

號愚巖忠肅王朝文科三司副使 配昌平李氏建中女

九世

子乙輔

見下

子吉輔

見下

子文近

子文景行

仲紹 洪旦 見上 號節隱 高麗高宗朝文科兩館大提學金紫光祿大夫門下左侍中平章事性倜儻慷慨以文章鳴于世 累徵柱國太傅不赴 諡英密公 配慶州李氏 配和縣張氏左侍中得球女

公若温女

女文益謙

南平人文科

族譜跋

嗚呼此我先祖 端廟朝右相忠莊公會孫處士公諱義學派族譜也吾家自夫 公逮禍四百餘年之間能世守舊籍至竟不變者幾希焉則其單弱已可知矣然而此猶不免於散處各郡零星難合而苟不及今收族其何以上承祖宗之統下垂後昆之則哉茲因營刊文定忠莊兩世文集與宗君長煥再從兄疇錫氏族入彰錫永杓並舉是役其所絡繹經紀前後凡幾多歲年開役又幾閱月而始得告功吁亦艱矣孟子曰君子創業垂統爲可繼也藐余不肖誠有愧於斯言然安知吾家後承不因是而益加力於來永矣乎

庚辰三月 日忠莊公十七代孫昌錫謹書

族譜跋

右我十三世祖處士公諱義學派譜也公卽忠莊公愛日堂先生次房曾孫也

嗚呼 莊光禪讓之事尙忍言哉忠莊公身罹丹書家隨而覆則顧惟我遺裔
之奔竄亡匿於禍亂之餘者其於本支派流或迷錯而難稽勢固爾矣以故始
自 宣廟乙巳至 高宗戊午修譜者凡七而每有疑莫之明文系莫之正逮甲
子大同譜日始頗徵訂然亦猶多欠詳宗君長煥氏嘗慨然於是博考諸家之
藏叅以公案古籍誠竭一生費盡歲月而後庶幾得疑者明紊者正可以有辭
於後矣乃更謀修派譜蓋不得已也而其昭先啓後之誠曷不偉哉目今滄桑
累變人紀永廢背祖棄親而恬以爲常者滔滔皆是則于斯時也汲汲於明譜
系而收宗族者其事似迂而實切而其意豈徒然哉此吾宗之所當深念也是
編也細其字密行以縮其紙簡其編蓋爲其便於閱易於藏欲吾宗之人閱家
藏而莫恨乎其力之不及是尤可見用意之勤密也夫編既定屬瓘錫以叙一

言遂書所感于卷尾

庚辰復月日處士公十三世孫瓘錫謹識